

Tipsernermit lottornermillu iluanaarutinik agguaassisarneq pillugu Inatsisartut inatsisisaattut siunnersuut.

(Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoq)

Akissuteqaat**Aappassaaneerineq**

Tipsernermit lottornermillu iluanaarutinik agguaassisarneq pillugu Inatsisartut inatsisisaattut siunnersuummik Kultureqarnermut Ilinniartitaanermullu Ataatsimiititaliap peqqissaartumik suliarinnissimanagera Naalakkersuisut sinnerlugit qujassutigaa. Naalakkersuisut naammagisi-maarlugu paasivaat agguanneqartartut procentilersornissaannut Naalakkersuisut siunnersuutaat ataatsimiititaliap tapersersoraa.

Siumup, IA-p Kattusseqatigiillu nalunaarutaannut tunngatillugu Naalakkersuisut erseqqissassa-vaat kattuffiit nappaatinik akiuniarnermik siunertaqartut, ludomani akiorniarlugu suliniuteqar-niartut, tipsernermit lottornermillu iluanaarutinik qinnuteqarsinnaammata, ingerlatsiner-mut suliniutinullu atugassanik. Aammattaaq ilisimatusartut nappaatinut assigiinngitsunut ilisimatu-sartut, soorlu ludomaniimut, tipsernermit iluanaarutinik qinnuteqarsinnaapput. Tassungali atatillugu pisortat ingerlatsiviini atugassanik aningaasaliisoqarsinnaangilaq.

Naalakkersuisut pisariaqartippaat, ludomani pillugu iliuuseqarnissamik aalajangiisoqanngin-nerani, ajornartorsiutip qanoq annertutigineranik paasisaqaqqaarnissaq.

Dansk Tipstjenestep sinneqartoorutaanik Kalaallit Nunaata pisartagaasa qaffanneqarnissaat siunertaralugu Danmarkimik isumaqatigiinniarnit aallarteqqullugit ataatsimiititaliap Naalak-kersuisunut kajumissaarutaanut tunngatillugu, kaaviiartitat tamakkiisut ilaat qanoq annertutigi-sut nunatsinneersuunersut naalakkersuisut qanimut malinnaaffigaat.

Massakkut Kalaallit Nunaanni kaaviiartitat amerlassusaat aallaavigalugit isumaqatigiissummik nutaamik aallartitsinissaq tunngavissaqanngilaq. Kalaallit Nunaata kaaviiartitanit pisartagai allannguuteqassagaluarta, taava Naalakkersuisut tamanna pillugu ingerlaannartumik danskit oqartussaasuinik isumaqatigiinniarnit aallartissavaat. Ataatsimiititaliap oqaaseqarnerat Naa-lakkersuisut tusaatissatut tiguaat.

Nalunaarutillu taakku tunngavigalugit Naalakkersuisut siunnersuutigissavaat, siunnersuut massakkutut isikkulik pingajussaanik eqqartugassatut ingerlateqqinneqassasoq.